

verbund unde eyninge schal anstan an to sunte Michelis dage negest tokomende unde waren unde bliven dre jar. Des to orkund dat van uns vorbenomeden steden dit stede unde unverbroken holden werde, so hebbe we unse hemelike ingesegel an dussen breff gehenget laten nach goddes bord dritteinhundert jar in deme dre unde negentigesten 5 jare in deme dage der hilligen heren Cosme et Damiani.

Abschrift einer im Stadt-Archiv zu Helmstedt befindlichen gleichzeitigen Copie im Stadt-Archiv zu Braunschweig.

**225.** *Das Domkapitel zu Halberstadt verpflichtet sich gegen den Bischof Ernst u. a. die Stadt Quedlinburg wegen 150 löthig. Mark, wofür von Geverd v. Hoym der Zehnten zu Orden und von Hans Schencke das Gut 10 in Rodersdorf verpfändet worden, zu befriedigen. 1396. Septbr. 28.*

We Albrecht domprovest, Albrecht deken unde dat capittel gemeyne to dem dome to Halberstad bekenne openbar mit dessem breve, dat de erwerdige in gode vader und here her Ernst, bisschopp to Halberstad, unse gnedige here, unsen und unses capittels willen gemaket 15 het umme drehundert lodige mark, de he uns vorscreven hadde in Osschersleve, unde umme anderhalffhundert lodige mark, dar vor her Gevert van Hoym synen tegheden to Orden unde Hans Schencke sin gut to Rodestorp<sup>1</sup> dem rade und burgheren to Quedelingborch dorch unses genanten heren und unser bede willen vorpendet hebben, und 20 umme tu und sestich lodige mark, de we unsem gnanten heren gelegen hadden to dem kope des huses der Stapelenborch, und schullen und willen unsen genanten heren teghen hern Geverde van Hoym erven der vorpendinge des tegeden to Orden genczliken benemen unde tegheden van den van Quedelingborch entledigen unde Hanse Schenken 25 unde synen erven der vorpendinge sines gudes to Rodestorp benemen und dat gud van den van Quedelingborch ok entledegen, unde schullen unde willen unsen vorbenomden heren teghen disse vorgnanten van Hoym unde Schenken disses schadelos holden und benemen mit orkunde disses breves, dem we om dar over gegeben hebben besegilt mit unses 30 capittels anhangenden ingesegel, de geven is nach Cristis gebord in unsem capittelshuse dritteinhundert jar in deme sestien unde negentigen jare in sunt Michaelis avende des hilgen ersengels.

Copie im Halberstädtischen Copialbuche de 1270 — 1438 (VII, C, 17) im Landes-Haupt-Archiv zu Wolfenbüttel S. 172. 35

1) *Rodersdorf a. d. Bode, Kreis Oschersleben.*